

186 /  
1971 / 2

საქართველოს  
სსრკ



საქართველოს სსრ მთავრობის  
დარგენილიაბათა კრებუნი

№ 6

მთავრობის — დარგენილიაბათა

1971 წ.



# საქართველოს სსრ მთავრობის დადგენილებათა კრებული

№ 6 ნოემბერი—დეკემბერი 1971 წ.

## შ ი ნ ა ბ რ ს ი


### საქართველოს კვ ცენტრალური კომიტეტისა და საქართველოს სსრ მინისტრთა საბჭოს დადგენილება

87. რესპუბლიკის საკომერტურნობათაშორისო სამშენებლო ორგანიზაციების საქმიანობის მდგომარეობისა და მისი გაუმჯობესების ღონისძიებათა შესახებ

### საქართველოს სსრ მინისტრთა საბჭოს დადგენილებები

- 88. საქართველოს სსრ მინისტრთა საბჭოს ტელევიზიისა და რადიომაუწყებლობის სახელმწიფო კომიტეტის დებულების დამტკიცების შესახებ
- 89. საქართველოს სსრ მინისტრთა საბჭოს 1971 წლის 13 ივლისის № 362 დადგენილების № 1 და № 3 დანართებში ნაწილობრივი ცვლილების შეტანის შესახებ
- 90. ქ. გორის ზოგიერთი ქუჩისათვის სახელწოდების მიკეთვნების შესახებ
- 91. საქართველოს სსრ შავი ზღვის სანაპიროზე ინერტული მასალების მოპოვების მოწყობის ღონისძიებათა შესახებ
- 92. იმ დოკუმენტების ნუსხის დამატების შესახებ, რომლებითაც გადახდევინება წარმოებს საწარმო ორგანოების აღსრულებითი წარწერების საფუძველზე
- 93. სოფლის ჯგუფური წყალსადენებით სარგებლობისათვის ტარიფების დამტკიცებისა და წყლის საფასურის გადახდის წესის შესახებ
- 94. საქართველოს სსრ სახელმწიფო აღმის დებულების გამოყენების ინსტრუქციის დამტკიცების შესახებ

11719



95. ადგილობრივი გაუმჯობესებელი მსხვილფეხა რქოსანი პირუტყვისა და ცხვრის ფასების შესახებ
96. ქ. ზუგდიდის ზოგიერთი ქუჩისა და მოედნისათვის სახელწოდების მიკუთვნების შესახებ
97. ქ. თბილისის მე-9 მუსიკალური სკოლისათვის ე. ს. მიჭელაძის სახელის მიკუთვნების შესახებ
98. იმ საქონლის ნუსხის შესახებ, რომლის ფასებს ამტკიცებენ აფხაზეთის ასსრ და აჭარის ასსრ მინისტრთა საბჭოები, სამხრეთ ოსეთის ავტონომიური ოლქის, ქალაქ თბილისის, ქუთაისის და რუსთავის შრომელთა დებუტატების საბჭოების აღმასკომები

## საქართველოს კვ ცენტრალური კომიტეტისა და საქართველოს სსრ მინისტრთა საბჭოს დადგენილება

**87** რესპუბლიკის საკოლმეურნეობათაშორისო სამშენებლო ორგანიზაციების საქმიანობის მდგომარეობისა და მისი გაუმჯობესების ღონისძიებათა შესახებ

### ამონაკრები

საკოლმეურნეობათაშორისო სამშენებლო ორგანიზაციების საქმიანობის შემდგომი გაუმჯობესებისა და გაფართოების მიზნით, საქართველოს კვ ცენტრალური კომიტეტი და საქართველოს სსრ მინისტრთა საბჭო ადგენენ:

1. გამოიყოს „მთავარკოლმეურნეობის“ საქართველოს სსრ სასოფლო მშენებლობის სამინისტროს შემადგენლობიდან და გარდაიქმნას იგი საქართველოს საკოლმეურნეობათაშორისო სამშენებლო ორგანიზაციების რესპუბლიკურ გაერთიანებად — „საქკოლმეურნეობის“.

დაევალოს გაერთიანება „საქკოლმეურნეობის“ ერთი თვის ვადაში შეიმუშაოს და საქართველოს სსრ მინისტრთა საბჭოს წარმოუდგინოს დასამტკიცებლად პროექტი დებულებისა საქართველოს საკოლმეურნეობათაშორისო სამშენებლო ორგანიზაციების რესპუბლიკური გაერთიანების — „საქკოლმეურნეობის“ შესახებ.

3. იმასთან დაკავშირებით, რომ მიმდინარე ხუთწლედში მკვეთრად გადიდება რესპუბლიკის კოლმეურნეობებში სამშენებლო-სამონტაჟო სამუშაოთა მოცულობა, გაერთიანება „საქკოლმეურნეობის“ პირველი რიგის ამოცანად ჩაითვალოს საწარმოო ბაზის მნიშვნელოვნად გაფართოება, რკინა-ბეტონის ნაკეთობათა, საყელე მასალებისა და სხვათა დამამზადებელი ახალი საწარმოების მშენებლობა და არსებული ასეთი საწარმოების გაფართოება, დანართის თანახმად.

საქართველოს სსრ მინისტრთა საბჭომ განიხილოს და გადაწყვიტოს საკითხები, რომლებიც დაკავშირებულია საკოლმეურნეობათაშორისო სამშენებლო ორგანიზაციების საწარმოო ბაზის გაფართოებასთან და გაერთიანება „საქკოლმეურნეობის“ სისტემის ახალი საწარმოების მშენებლობასთან.

4. რჩევა მიეცეთ რესპუბლიკის საკოლმეურნეობათაშორისო სამშენებლო ორგანიზაციებს მათ მიერ მეცხრე ხუთწლედში (1971-1975 წლები) სამეურნეო საქმიანობისაგან მიღებული მოგება მოახმარონ სამუშაო მასალების მრეწველობის საწარმოო ბაზის გაფართოებას და ახალი საწარმოების მშენებლობას.

5. მიღებულ იქნეს საქართველოს სსრ სოფლის მეურნეობის სამინისტროს და საქართველოს საკოლმეურნეობათაშორისო სამშენებლო ორგანიზაციების რესპუბლიკური გაერთიანების წინადადება იმის შესახებ, რომ შეიქმნას გაერთიანება „საქკოლმეურნეობის“ საპროექტო ორგანიზაცია „საქკოლმეურნეობის“.

პროექტი“, რომელიც დაპროექტებს მშენებლობის ობიექტებს კოლმეურნეობებში.

დაევალოს საქართველოს სსრ სახმშენს და საპროექტო ინსტიტუტს „საქსოფლმშენსახპროექტს“ განახორციელონ მეთოდური ხელმძღვანელობა „საქკოლმეურნპროექტის“ მუშაობისადმი.

6. დაევალოს საქართველოს სსრ სოფლის მეურნეობის სამინისტროს გაუშვებოს კოლმეურნეობებში მშენებლობის შემკვეთის სამსახური, მიიღოს ზომები მშენებლობის ობიექტების დროზე უზრუნველსაყოფად საპროექტო-ტექნიკური დოკუმენტაციით, სათანადო მასალებითა და მოწყობილობით, გააძლიეროს საკოლმეურნეობათაშორისო სამშენებლო ორგანიზაციების მეზაიე კოლმეურნეობათა პასუხისმგებლობა სამშენებლო-სამონტაჟო სამუშაოთა გეგმების შესრულებისა და კოლმეურნეობებში საწარმოო სიმძლავრეთა საქსპლო-ტაციოდ გადაცემისათვის.

7. დაევალოს საქართველოს სსრ სახელმწიფო საეგემო კომიტეტს:

ა) საიჯარო სამუშაოთა გეგმების ფორმირების დროს შეათანხმოს საქართველოს სსრ სასოფლო მშენებლობის სამინისტროს და გაერთიანება „საქკოლმეურნმშენის“ სამშენებლო ორგანიზაციების დატვირთვა და მოქმედების ზონები;

ბ) გაითვალისწინოს, რომ გაერთიანება „საქკოლმეურნმშენს“ გამოეყოს საშენი მასალები, მექანიზმები, მოწყობილობა და სატრანსპორტო საშუალებანი საკოლმეურნეო მშენებლობისათვის რესპუბლიკის სახელმწიფო სამშენებლო ორგანიზაციების თანაბრად;

გ) მიიღოს ზომები, რათა გამოეყოს დანაკლისი მოწყობილობა და მექანიზმები გაერთიანება „საქკოლმეურნმშენის“ რკინა-ბეტონის ნაკეთობათა მოქმედი საწარმოებისათვის მცხეთაში, მახარაძესა და გურჯაანში;

დ) საქართველოს სსრ სოფლის მეურნეობის სამინისტროსთან და გაერთიანება „საქკოლმეურნმშენთან“ ერთად ორი თვის ვადაში შეისწავლოს საკოლმეურნეობათაშორისო ცემენტის ქარხნის მშენებლობის მიზანშეწონილობის საკითხი და წარმოუდგინოს წინადადებანი საქართველოს სსრ მინისტრთა საბჭოს.

8. დაევალოს საქართველოს სსრ მინისტრთა საბჭოს მატერიალურ-ტექნიკური მომარაგების მთავარ სამმართველოს და რესპუბლიკურ გაერთიანება „საქსოფლტექნიკას“ უზრუნველყონ გაერთიანება „საქკოლმეურნმშენისათვის“ გამოყოფილი ფონდების დროული რეალიზაცია.

9. დაევალოს გაერთიანება „საქკოლმეურნმშენს“ საქართველოს სსრ მინისტრთა საბჭოს პროფესიულ-ტექნიკური განათლების სახელმწიფო კომიტეტთან ერთად ააშენოს მიმდინარე ხუთწლედში მცხეთის რაიონში შენობათა კომპლექსი საშუალო პროფესიულ-ტექნიკური სასწავლებლის მოსაწყობად, რომელიც მოამზადებს მშენებელთა კადრებს 450 კაცის რაოდენობით საკოლმეურნეობათაშორისო სამშენებლო ორგანიზაციებისათვის.

პროფესიულ-ტექნიკური განათლების სახელმწიფო კომიტეტმა აღნიშნული სასწავლებლის მოწყობამდე უზრუნველყოს მშენებელთა კადრების მომზადება საკოლმეურნეობათაშორისო სამშენებლო ორგანიზაციებში სამუშაოდ გასაგზავნად წელიწადში ას-ასი კაცის რაოდენობით.

10. დაევალოს თბილისის მშრომელთა დეპუტატების საქალაქო საბჭოს აღმასკომს საქართველოს სსრ მინისტრთა საბჭოს საქმეთა მმართველობასთან ერთად 1971 წლის დამლევამდე:

ა) დროებით მისცეს გავრთიანება „საქკოლმეურნმშენს“ სათანადო სადგომი საპროექტო ორგანიზაციის „საქკოლმეურნპროექტის“ მოსათავსებლად;

ბ) სხვა სადგომში გადაიყვანოს ძერჟენისკის ქუჩაზე მდებარე გავრთიანება „საქკოლმეურნმშენის“ № 19 შენობიდან საქართველოს კულტურის ძეგლთა დაცვის საზოგადოება.

11. გავრთიანება „საქკოლმეურნმშენმა“ წილობრივი მონაწილეობა მიიღოს იმაში, რომ აშენდეს ქ. თბილისში საქართველოს სსრ სასოფლო მშენებლობის სამინისტროს საინჟინრო-ლაბორატორიული კორპუსი, სადაც მოთავსდებიან „საქკოლმეურნპროექტი“ და საქართველოს საკოლმეურნობათაშორისო სამშენებლო ორგანიზაციების რესპუბლიკური გავრთიანება.

საქართველოს სსრ სასოფლო მშენებლობის სამინისტრო შეუდგეს საინჟინრო-ლაბორატორიული კორპუსის მშენებლობას 1972 წელს.

12. დაევალოს საქართველოს სსრ მინისტრთა საბჭოსთან არსებულ ცენტრალურ სტატისტიკურ სამმართველოს შემოიღოს სტატისტიკური ანგარიშგება გავრთიანება „საქკოლმეურნმშენის“ სისტემის ორგანიზაციებისათვის სახელმწიფო ანგარიშგების დამტკიცებული ფორმების ფარგლებში.

13. დაევალოს საქართველოს კპ საოლქო და რაიონულ კომიტეტებს, ავტონომიური რესპუბლიკების მინისტრთა საბჭოებს, სამხრეთ ოსეთის ავტონომიური ოლქის, რესპუბლიკის რაიონებისა და ქალაქების მშრომელთა დეპუტატების საბჭოების აღმასკომებს:

ა) შეისწავლონ და გადაწყვიტონ თითოეულ რაიონში საკოლმეურნობათაშორისო სამშენებლო ორგანიზაციის შექმნის საკითხი და ხელი შეუწყოს კოლმეურნობათა ფართოდ მოზიდვას საკოლმეურნობათაშორისო სამშენებლო ორგანიზაციის მეპაიეთა შემადგენლობაში;

ბ) ყოველგვარი დახმარება გაუწიონ საკოლმეურნობათაშორისო სამშენებლო ორგანიზაციებს მათს მუშაობაში, გავრთიანება „საქკოლმეურნმშენთან“ ერთად სისტემატურად განიხილონ კოლმეურნობებში მშენებლობის მიმდინარეობა და მიიღონ ღონკრეტული ზომები მისი გაუმჯობესებისათვის.

საქართველოს კპ  
ცენტრალური კომიტეტის მდივანი  
**3. მშაპანაძე.**

საქართველოს სსრ  
მინისტრთა საბჭოს თავმჯდომარე  
**ბ. ჯაპახიშვილი.**

ქ. თბილისი, 1971 წ. 16 ნოემბერი № 562

## საქართველოს სსრ მინისტრთა საბჭოს დადგენილებები

**88** საქართველოს სსრ მინისტრთა საბჭოს ტელევიზიისა და რადიომაუწყებლოვის სახელმწიფო კომიტეტის დებულებისა და მ. ტაკიძეების შესახებ

საქართველოს სსრ მინისტრთა საბჭო ადგენს:

1. დამტკიცდეს თანდართული დებულება საქართველოს სსრ მინისტრთა საბჭოს ტელევიზიისა და რადიომაუწყებლობის სახელმწიფო კომიტეტის შესახებ.
2. ძალადაკარგულად ჩაითვალოს საქართველოს სსრ მინისტრთა საბჭოს 1957 წლის 14 დეკემბრის № 786 დადგენილება.

საქართველოს სსრ მინისტრთა საბჭოს  
 თავმჯდომარე **გ. ჯავახიშვილი**.

საქართველოს სსრ მინისტრთა საბჭოს  
 საქმეთა მმართველი **მ. მებრელიშვილი**.

ქ. თბილისი, 1971 წლის 11 ნოემბერი № 545



დამტკიცებულია  
საქართველოს სსრ მინისტრთა საბჭოს  
1971 წლის 11 ნოემბრის № 545  
დადგენილებით

## დ ე ბ უ ლ ე ბ ა

### საქართველოს სსრ მინისტრთა საბჭოს ტელევიზიისა და რადიომალწიფებლობის სახელმწიფო კომიტეტის შესახებ

1. საქართველოს სსრ მინისტრთა საბჭოს ტელევიზიისა და რადიომალწიფებლობის სახელმწიფო კომიტეტი არის საკავშირო-რესპუბლიკური ორგანო და თავის საქმიანობაში ემორჩილება საქართველოს სსრ მინისტრთა საბჭოს და სსრ კავშირის მინისტრთა საბჭოს ტელევიზიისა და რადიომალწიფებლობის სახელმწიფო კომიტეტს.

2. საქართველოს სსრ მინისტრთა საბჭოს ტელევიზიისა და რადიომალწიფებლობის სახელმწიფო კომიტეტი ახორციელებს რესპუბლიკის ტელევიზიისა და რადიომალწიფებლობის ხელმძღვანელობას, პასუხისმგებელია რესპუბლიკის ფარგლებში განხორციელებული სატელევიზიო და რადიომალწიფებლობის პროგრამების იდეურ-პოლიტიკური და მხატვრული დონისათვის, რესპუბლიკაში ტელევიზიისა და რადიომალწიფებლობის მდგომარეობისა და შემდგომი განვითარებისათვის და მათში გამოყენებულ ტექნიკურ საშუალებათა განვითარებისათვის.

3. საქართველოს სსრ მინისტრთა საბჭოს ტელევიზიისა და რადიომალწიფებლობის სახელმწიფო კომიტეტის მთავარი ამოცანებია:

— მარქსიზმ-ლენინიზმის, საბჭოთა კავშირის კომუნისტური პარტიის და საქართველოს კომუნისტური პარტიის ყრილობების, სკკპ ცენტრალური კომიტეტისა და საქართველოს კპ ცენტრალური კომიტეტის პლენუმების დადგენილებების, სკკპ ცენტრალური კომიტეტისა და საქართველოს კპ ცენტრალური კომიტეტის, სსრ კავშირის მთავრობისა და საქართველოს სსრ მთავრობის გადაწყვეტილებების პროპაგანდა;

— მშრომელთა მობილიზაცია კომუნისტური მშენებლობის ამოცანების გადასაწყვეტად, სამეცნიერო-ტექნიკური პროგრესისა და სახალხო-სამეურნეო გეგმების წარმატებით შესრულებისათვის საბრძოლველად, აგრეთვე მოწინავე გამოცდილების გავრცელება მრეწველობაში, მშენებლობაში, სოფლის მეურნეობასა და სახალხო მეურნეობის სხვა დარგებში;

— ბურჟუაზიული იდეოლოგიის, მორალისა და რეაქციული პროპაგანდის მხილება, საბჭოთა ადამიანების აღზრდა კომუნისტური იდეურობისა და მორალის, შრომისადმი შეგნებულ დამოკიდებულების, საზოგადოებრივი ინტერესებისათვის მზრუნველობის, კანონიერებისა და სოციალისტური თანაცხოვრების ნორმების დაცვის სულისკვეთებით, საბჭოთა პატრიოტიზმისა და პროლეტარული ინტერნაციონალიზმის სულისკვეთებით;

— სკკპ და საბჭოთა მთავრობის საშინაო და საგარეო პოლიტიკის, ხალხთა მეგობრობისა და სხვადასხვა სოციალურ-ეკონომიური წყობილების მქონე სახელმწიფოთა მშვიდობიანი თანაარსებობის პოლიტიკის გაშუქება, საბჭოთა ხა-



ლხის ცხოვრების, კომუნისმის მშენებლობაში მიღწეული წარმატებების, კაპიტალისტურ სისტემასთან შედარებით სოციალისტური სისტემის უპირატესობათა ფართოდ ჩვენება, იმპერიალისტური სახელმწიფოების რეაქციული საშინაო და აგრესიული საგარეო პოლიტიკის მხილება;

მარქსიზმ-ლენინიზმისა და პროლეტარული ინტერნაციონალიზმის პრინციპების საფუძველზე საერთაშორისო კომუნისტური და მუშათა მოძრაობის ერთიანობისათვის სკკპ ბრძოლის გაშუქება, სოციალიზმის მსოფლიო სისტემის მიღწევების, მშვიდობისათვის, დემოკრატიისა და სოციალიზმისათვის ხალხთა ბრძოლის პოპულარიზაცია, კაპიტალის ქვეყნებში კლასობრივი ბრძოლისა და იმპერიალისტური ჩაგვრის წინააღმდეგ კოლონიური და დამოკიდებული ქვეყნების ხალხთა ეროვნულ-განმათავისუფლებელი მოძრაობის გაშუქება;

საბჭოთა და უცხოეთის პროგრესული ლიტერატურისა და ხელოვნების საუკეთესო ნაწარმოებების, აგრეთვე სამამულო და მსოფლიო ლიტერატურისა და ხელოვნების კლასიკურ ნაწარმოებთა პოპულარიზაცია; ტელემყურებელთა და რადიომსმენელთა ოპერატიული ინფორმაცია საბჭოთა კავშირისა და უცხოეთის ამბების შესახებ;

— რესპუბლიკაში ტელევიზიისა და რადიომათუწყებლობის შემდგომი განვითარების უზრუნველყოფა;

— ტელევიზიისა და რადიომათუწყებლობის დარგში მეცნიერებისა და ტექნიკის უახლესი მიღწევების, მოწინავე გამოცდილების დანერგვა, წარმოების მაღალი ტექნიკურ-ეკონომიური მაჩვენებლების უზრუნველყოფა საქვეუწყებო საწარმოებში;

— გამოყოფილ კაპიტალურ დაბანდებათა რაციონალურად გამოყენება და მათი ეფექტიანობის ამაღლება, მშენებლობის ღირებულებისა და მისი ვადების შემცირება, საწარმოო სიმძლავრეთა და ძირითადი ფონდების დროულად გადაცემა საექსპლოატაციოდ;

— შრომისა და მართვის მეცნიერული ორგანიზაციის დანერგვა კომიტეტის სისტემაში, საქვეუწყებო ორგანიზაციების, საწარმოებისა და დაწესებულებების უზრუნველყოფა კვალიფიციური კადრებით, კადრების მომზადების ორგანიზაცია და მათი კვალიფიკაციის ამაღლება, კადრების შესწავლა კომიტეტის სისტემაში და პროფესიულად მომზადებულ და პოლიტიკურად მომწიფებულ სპეციალისტთა დაწინაურება ხელმძღვანელ სამუშაოზე, საკონკურსო სისტემის გამოყენება ტელევიზიისა და რადიომათუწყებლობის დარგში შემოქმედებით მუშაკთა თანამდებობის დასაკავებლად;

— საქვეუწყებო ორგანიზაციების, საწარმოებისა და დაწესებულებების მუშათა და მოსამსახურეთა საბინაო და კულტურულ-საყოფაცხოვრებო პირობების გაუმჯობესება.

4. საქართველოს სსრ მინისტრთა საბჭოს ტელევიზიისა და რადიომათუწყებლობის სახელმწიფო კომიტეტი რადიომათუწყებლობის კომიტეტების მეშვეობით ახორციელებს რადიომათუწყებლობის ხელმძღვანელობას აფხაზეთის ასს რესპუბლიკაში, აჭარის ასს რესპუბლიკაში და სამხრეთ ოსეთის ავტონომიურ ოლქში, აგრეთვე განაგებს უშუალოდ დაქვემდებარებულ ორგანიზაციებს, საწარმოებსა და დაწესებულებებს.

5. საქართველოს სსრ მინისტრთა საბჭოს ტელევიზიისა და რადიომაუწყებლობის სახელმწიფო კომიტეტი თავის საქმიანობაში ხელმძღვანელობს სსრ კავშირის და საქართველოს სსრ კანონებით, სსრ კავშირის უმაღლესი საბჭოს პრეზიდიუმის და საქართველოს სსრ უმაღლესი საბჭოს პრეზიდიუმის ბრძანებულებებით, სსრ კავშირის მთავრობის და საქართველოს სსრ მთავრობის დადგენილებებითა და განკარგულებებით და სხვა ნორმატიული აქტებით, აგრეთვე ამ დებულებით და უზრუნველყოფს მოქმედი კანონმდებლობის სწორად გამოყენებას კომიტეტის სისტემის ორგანიზაციებში, საწარმოებსა და დაწესებულებებში.

6. საქართველოს სსრ მინისტრთა საბჭოს ტელევიზიისა და რადიომაუწყებლობის სახელმწიფო კომიტეტი მისთვის დაკისრებული ამოცანების შესაბამისად:

ა) მოაწიებს რესპუბლიკის ტერიტორიაზე ტელე და რადიომაუწყებლობას მისი მოსახლეობისათვის;

ბ) უზრუნველყოფს პოლიტიკურ, ლიტერატურულ-მხატვრულ, მუსიკალურ, სამეცნიერო-საგანმანათლებლო, საბავშვო და ახალგაზრდობის დადგმებსა და გადაცემებს ტელევიზიისა და რადიოსათვის, აგრეთვე ტელეფილმების შექმნას;

გ) დადგენილი წესით მოაწიებს საუკეთესო სატელევიზიო და რადიოგადაცემების, ტელევიზიისა და რადიოსათვის ლიტერატურული და მუსიკალური ნაწარმოებების კონკურსებს, განახორციელებს ტელე და რადიოფესტივალებს;

დ) შესაბამის უწყებებთან ერთად მოაწიებს სასწავლო-საგანმანათლებლო გადაცემებს ტელევიზიითა და რადიოთი;

ე) მოაწიებს რესპუბლიკაში და მის ფარგლებს გარეთ უმნიშვნელოვანესი მოვლენების, პოლიტიკური, სახელმწიფო, საზოგადოებრივი და სამეურნეო მოღვაწეების, მრეწველობის, მშენებლობის, სოფლის მეურნეობისა და სახალხო მეურნეობის სხვა დარგების მოწინავე ადამიანების, მეცნიერებისა და კულტურის წარმომადგენლების გამოსვლების, აგრეთვე ლიტერატურული, მუსიკალური და სხვა ნაწარმოებების გადაღებას და ჩაწერას ტელევიზიისა და რადიოში გამოსაყენებლად;

ვ) შეიმუშავებს და სსრ კავშირის მინისტრთა საბჭოს ტელევიზიისა და რადიომაუწყებლობის სახელმწიფო კომიტეტს წარუდგენს დასამტკიცებლად სატელევიზიო მაუწყებლობის, რადიომაუწყებლობისა და ფილმწარმოების მოცულობის პერსპექტიულ და წლიურ გეგმებს, აგრეთვე ტელეფილმების წარმოების თემატიკურ გეგმებს;

დაამტკიცებს საქვეუწყებო საწარმოებისა და ორგანიზაციების საწარმოო-საფინანსო გეგმებს, აგრეთვე მათი სარედაქციო, სამხატვრო-საწარმოო პერსონალისა და ადმინისტრაციულ-სამმართველო აპარატის სტრუქტურასა და რაოდენობას;

ზ) უზრუნველყოფს იმ ტექნიკურ საშუალებათა სწორად განაწილებას და ეფექტიანად განვითარებას, რომლებიც გამოიყენება ტელე და რადიოგადაცემის შექმნისა და ტელეფილმების წარმოებისათვის კომიტეტის სისტემაში, აგრეთვე მონაწილეობას მიიღებს საქართველოს სსრ კავშირგაბმულობის სამინისტროს

ტროს სისტემის ტელევიზიისა და რადიომაუწყებლობის ტექნიკურ საშუალებათა დისლოკაციის განსაზღვრაში;

თ) საქართველოს სსრ კავშირგაბმულობის სამინისტროსთან დადებს ხელშეკრულებებს სატელევიზიო და რადიომაუწყებლობის სადგურების, საქალაქთაშორისო არხების, საკაბელო და რადიოსარელო ხაზებისა და რესპუბლიკის ტერიტორიაზე ტელე და რადიოპროგრამების გადასაცემ სხვა ტექნიკური საშუალებების იჯარის შესახებ;

ი) კონტროლს გაუწევს ტელევიზიისა და რადიომაუწყებლობის პროგრამების მიღების ხარისხს, აგრეთვე იმას, თუ რამდენად სწორად არის გამოყენებული კავშირგაბმულობის სამინისტროსაგან იჯარით აღებული ტელევიზიისა და რადიომაუწყებლობის ტექნიკური საშუალებანი რესპუბლიკის ტერიტორიაზე;

კ) გამოსცემს დადგენილი წესით ტელე და რადიოპროგრამებს, ეურნალებს, სპეციალურ ლიტერატურას, აგრეთვე მოაწყობს გამოფენებს ტელევიზიის, რადიომაუწყებლობისა და ბგერათიწერის საკითხებზე;

ლ) დადგენილი წესით დააჯილდოებს ტელევიზიისა და რადიომაუწყებლობის მოწინავე მუშაკებს სამეკრძე ნიშნებით, საბატო სიგელებით, დიპლომებით და გამოიყენებს სხვაგვარ წახალისებას;

7. საქართველოს სსრ მინისტრთა საბჭოს ტელევიზიისა და რადიომაუწყებლობის სახელმწიფო კომიტეტს სათავეში უდგას კომიტეტის თავმჯდომარე, რომელსაც ნიშნავს საქართველოს სსრ უმაღლესი საბჭო.

საქართველოს სსრ მინისტრთა საბჭოს ტელევიზიისა და რადიომაუწყებლობის სახელმწიფო კომიტეტის თავმჯდომარეს ჰყავს მოადგილეები, რომლებსაც ნიშნავს საქართველოს სსრ მინისტრთა საბჭო.

8. საქართველოს სსრ მინისტრთა საბჭოს ტელევიზიისა და რადიომაუწყებლობის სახელმწიფო კომიტეტს ეკისრება პერსონალური პასუხისმგებლობა კომიტეტზე დაკისრებული ამოცანებისა და მოვალეობათა შესრულებისათვის, იგი დააწესებს კომიტეტის თავმჯდომარის მოადგილეების, დაქვემდებარებული ორგანიზაციების, საწარმოებისა და დაწესებულებების, დირექციების, რედაქციების, განყოფილებებისა და სხვა ქვედანაყოფების ხელმძღვანელთა პასუხისმგებლობას კომიტეტის საქმიანობის ცალკეული დარგების ხელმძღვანელებისათვის, აგრეთვე კომიტეტის სისტემის ორგანიზაციების, საწარმოებისა და დაწესებულებების მუშაობისათვის.

9. საქართველოს სსრ მინისტრთა საბჭოს ტელევიზიისა და რადიომაუწყებლობის სახელმწიფო კომიტეტის თავმჯდომარე თავისი კომპეტენციის ფარგლებში გამოსცემს ბრძანებებსა და ინსტრუქციებს მოქმედი კანონების, აგრეთვე სსრ კავშირის მინისტრთა საბჭოს და საქართველოს სსრ მინისტრთა საბჭოს დადგენილებებისა და განკარგულებების, სსრ კავშირის მინისტრთა საბჭოს ტელევიზიისა და რადიომაუწყებლობის სახელმწიფო კომიტეტის ბრძანებებისა და ინსტრუქციების საფუძველზე და შესასრულებლად, იძლევა მითითებებს, რომელთა შესრულება სავალდებულოა აფხაზეთის ასსრ, აჭარის ასსრ და სამხრეთ ოსეთის ავტონომიური ოლქის რადიომაუწყებლობის კომიტეტებისათვის, კომიტეტის სისტემის ორგანიზაციებისა, საწარმოებისა და დაწესებულებებისათვის, და შეამოწმებს მათ შესრულებას.

საქართველოს სსრ მინისტრთა საბჭოს ტელევიზიისა და რადიომაუწყებლობის სახელმწიფო კომიტეტის თავმჯდომარე საპირო შემთხვევებში რესპუბლიკის სამინისტროების და უწყებების ხელმძღვანელებთან ერთად გამოსცემს ერთობლივ ბრძანებებსა და ინსტრუქციებს.

10. საქართველოს სსრ მინისტრთა საბჭოს ტელევიზიისა და რადიომაუწყებლობის სახელმწიფო კომიტეტში შეიქმნება კოლეგია კომიტეტის თავმჯდომარის (კოლეგიის თავმჯდომარე) და კომიტეტის თავმჯდომარის მოადგილეების, აგრეთვე კომიტეტის სხვა ხელმძღვანელი მუშაკების შემადგენლობით.

კოლეგიის წევრთა რაოდენობას და მის პერსონალურ შემადგენლობას დაამტკიცებს საქართველოს სსრ მინისტრთა საბჭო.

11. საქართველოს სსრ მინისტრთა საბჭოს ტელევიზიისა და რადიომაუწყებლობის სახელმწიფო კომიტეტის კოლეგია თავის სხდომებზე, რომლებიც რეგულარულად იმართება, განიხილავს პროგრამების შინაარსის, ტელევიზიისა და რადიომაუწყებლობის ორგანიზაციისა და განვითარების ძირითად საკითხებს და კომიტეტის საქმიანობის სხვა საკითხებს, თავისი სისტემის ორგანიზაციებისა, საწარმოებისა და დაწესებულებებისადმი პრაქტიკული ხელმძღვანელობის, შესრულების შემოწმების, კადრების შერჩევისა და გამოყენების საკითხებს, უმნიშვნელოვანესი ბრძანებებისა და ინსტრუქციების პროექტებს, მოისმენს აუზნაუთის ასსრ, აჰარის ასსრ და სამხრეთ ოსეთის ავტონომიური ოლქის რადიომაუწყებლობის კომიტეტების თავმჯდომარეების მოხსენებებს, დაქვემდებარებული ორგანიზაციების, საწარმოების, დაწესებულებების, დირექციების, რედაქციებისა და განყოფილებების ანგარიშებს.

კოლეგიის გადაწყვეტილებანი ხორციელდება, როგორც წესი, კომიტეტის თავმჯდომარის ბრძანებებით.

კომიტეტის თავმჯდომარესა და კოლეგიას შორის უთანხმოების წამოჭრის შემთხვევაში კომიტეტის თავმჯდომარე განახორციელებს თავის გადაწყვეტილებას, ხოლო წამოჭრილი უთანხმოების შესახებ მოახსენებს საქართველოს სსრ მინისტრთა საბჭოს, კოლეგიის წევრებს თავის მხრივ შეუძლიათ აცნობონ თავიანთი აზრი საქართველოს სსრ მინისტრთა საბჭოს.

12. ტელევიზიისა და რადიომაუწყებლობის პროგრამების იდეურ-მხატვრული და ტექნიკური ხარისხის უმნიშვნელოვანესი საკითხების განსახილველად საქართველოს სსრ მინისტრთა საბჭოს ტელევიზიისა და რადიომაუწყებლობის სახელმწიფო კომიტეტში შეიქმნება სამხატვრო და ტექნიკური საბჭოები, რომლებშიაც შევლენ კვალიფიციური სპეციალისტები, შემოქმედებითი მუშაკები, შემოქმედებითი კავშირებისა და სხვა ორგანიზაციების წარმომადგენლები.

აღნიშნული საბჭოების შემადგენლობას და მათს დებულებებს დაამტკიცებს კომიტეტის თავმჯდომარე.

13. საქართველოს სსრ მინისტრთა საბჭოს ტელევიზიისა და რადიომაუწყებლობის სახელმწიფო კომიტეტის სტრუქტურას, აპარატის მუშაკთა რაოდენობას და კომიტეტის დებულებას დაამტკიცებს საქართველოს სსრ მინისტრთა საბჭო სსრ კავშირის მინისტრთა საბჭოს ტელევიზიისა და რადიომაუწყებლობის სახელმწიფო კომიტეტთან შეთანხმებით.

კომიტეტის სტრუქტურული ქვედანაყოფების საშტატო განრიგს, აგრეთვე მათს დებულებებს დაამტკიცებს საქართველოს სსრ მინისტრთა საბჭოს ტელევიზიისა და რადიომაუწყებლობის სახელმწიფო კომიტეტის თავმჯდომარე.

14. საქართველოს სსრ მინისტრთა საბჭოს ტელევიზიისა და რადიომაუწყებლობის სახელმწიფო კომიტეტს აქვს ბეჭედი, რომელზედაც გამოსახულია საქართველოს სსრ სახელმწიფო გერბი და თავისი დასახელება.

**89** საქართველოს სსრ მინისტრთა საბჭოს 1971 წლის 13 ივლისის № 362 დადგენილების № 1 და № 3 დანართებში ნაწილობრივი ცვლილებების შეტანის შესახებ

საქართველოს სსრ მინისტრთა საბჭო ა დ გ ე ნ ს:

შეტანილ იქნეს ნაწილობრივი ცვლილება საქართველოს სსრ მინისტრთა საბჭოს 1971 წლის 13 ივლისის № 362 დადგენილების № 1 და № 3 დანართებში და 1971 წლის 1 იანვრიდან არ გავრცელდეს ოჩამჩირის რაიონის სოფელ ოტაფის კოლმეურნეობა „აბზანხარაზე“ სახელმწიფოსათვის მიყიდული ჩაის, თესლოვანი და კურკოვანი ხილის ფასდაკლება.

საქართველოს სსრ მინისტრთა საბჭოს  
თავმჯდომარე **ბ. ჯაპახიშვილი**.

საქართველოს სსრ მინისტრთა საბჭოს  
საქმეთა მმართველი **მ. მებრალიშვილი**.

ქ. თბილისი, 1971 წლის 11 ნოემბერი, № 546

**90** შ. გორის ზოგადი მშენებლის სახელწოდების მიკუთვნების შესახებ

საქართველოს სსრ მინისტრთა საბჭო ა დ გ ე ნ ს:

დაკმაყოფილდეს გორის მშრომელთა დეპუტატების საქალაქო საბჭოს აღმასკომის შეამდგომლობა და მიეკუთვნათ:

— ქ. გორის № 1 საპროექტო ქუჩას — კომპოზიტორ ვანო მურადელის სახელი;

— № 2 საპროექტო ქუჩას — სსრ კავშირის სახალხო არტისტის სერგო ზაქარიაძის სახელი;

— № 3 საპროექტო ქუჩას — ცნობილი მწერლისა და საზოგადო მოღვაწის შალვა დადიანის სახელი;

— უსახელო ქუჩას (პეტრიაშვილის ქუჩის გაგრძელება, შაუმიანის ქუჩიდან ჭორჯიაშვილის ქუჩამდე) — თინა იოსებაძის სახელი;

— ბაშბეულის კომინატის დასახლების № 9 ქუჩას ეწოდოს კოლხეთის ქუჩა, ხოლო № 4 საპროექტო ქუჩას — ივერიის ქუჩა.

საქართველოს სსრ მინისტრთა საბჭოს  
თავმჯდომარე **ბ. ჯაპახიშვილი**.

საქართველოს სსრ მინისტრთა საბჭოს  
საქმეთა მმართველი **მ. მებრალიშვილი**.

ქ. თბილისი, 1971 წ. 12 ნოემბერი № 552

## 91 საქართველოს სსრ შავი ზღვის სანაპიროზე ინერტული მასალების მოპოვების მოწყობისა და მონიტორინგის ღონისძიებათა შესახებ

იმასთან დაკავშირებით, რომ შესრულების ვადა გაუვიდა საქართველოს სსრ მინისტრთა საბჭოს 1970 წლის 8 მაისის № 257 დადგენილებით დამტკიცებულ ღონისძიებებს, რომელთა მიზანია ინერტული მასალების მოპოვების მოწესრიგება საქართველოს სსრ შავი ზღვის სანაპიროზე, საქართველოს სსრ მინისტრთა საბჭო ა დ გ ე ნ ს:

1. დამტკიცდეს საქართველოს სსრ შავი ზღვის სანაპიროზე ინერტული მასალების მოპოვების ღონისძიებანი, წარმოდგენილი საქართველოს სსრ მინისტრთა საბჭოს წყლის რესურსების გამოყენებისა და დაცვის სახელმწიფო კომიტეტის მიერ, დანართის თანახმად.

ამ დადგენილების დანართში ჩამოთვლილ ადგილებში ინერტული მასალების დამუშავება მოხდეს მხოლოდ საქართველოს სსრ მინისტრთა საბჭოს წყლის რესურსების გამოყენებისა და დაცვის სახელმწიფო კომიტეტთან შეთანხმებულ სქემის ან პროექტის მიხედვით.

აიკრძალოს 1972 წლის 1 იანვრიდან ქვიშისა და ხრეშის მოპოვება სანაპიროსა და იმ მდინარეების დანარჩენ უბნებზე, რომლებიც ზღვას ერთვის.

2. დაევალოს წყლის რესურსების გამოყენებისა და დაცვის სახელმწიფო კომიტეტს და საქართველოს სსრ შინაგან საქმეთა სამინისტროს გააძლიერონ აფხაზეთის, აჭარისა და ფოთის ზონალური სადგურების ინჟინერ-კონტროლორთა და უწყებრივი მილიციის მუშაობა პლაჟების დასაცავად, ამასთან არ დაუშვან შემდეგში ხრეშისა და ქვიშის გატანა პლაჟის ზოლს იმ მდინარეთა უბნებიდან, რომლებიც ზღვას ერთვის.

3. საქართველოს სსრ მინისტრთა საბჭოს მატერიალურ-ტექნიკური მომარაგების მთავარმა სამმართველომ, საქართველოს სსრ საშენ მასალათა მრეწველობის სამინისტრომ და საქართველოს სსრ მშენებლობის სამინისტრომ პირველ რიგში უზრუნველყონ აფხაზეთის ასსრ და აჭარის ასსრ მინისტრთა საბჭოების მოთხოვნილება წყურგილისა და ჭოროხის მექანიზებულ ქარხნებში მოპოვებულ ინერტულ მასალებზე, მათი განაცხადების თანახმად.

4. საქართველოს სსრ საშენ მასალათა მრეწველობის სამინისტრომ, საქართველოს სსრ მშენებლობის სამინისტრომ და ამიერკავკასიის რკინიგზის სამმართველომ 1972 წლის პირველ კვარტალში წარმოდგინონ საქართველოს სსრ მინისტრთა საბჭოს წინადადებანი, თუ რამდენად შესაძლებელია ქვიშისა და ხრეშის კარიერის მოწყობა დროებითი სქემის მიხედვით კოკის დახვერილი საბადოს ბაზაზე (მდ. ენგურის რკინიგზის ხიდის ქვემოთ 7 კილომეტრზე).

ნება დაერთოს საქართველოს სსრ საავტომობილო გზების სამინისტროს დაამზადოს ინერტული მასალები და ქვა ამ დადგენილებით გათვალისწინებულ ადგილებში სხვა ორგანიზაციებისა და უწყებებისათვის იმ პირობით, რომ დაცულ იქნას ის მოთხოვნები, რომლებსაც ამ კარიერების დამუშავებელ ორგანიზაციებს უყენებენ.

6. დაევალოს წყლის რესურსების გამოყენებისა და დაცვის სახელმწიფო კომიტეტს თვალყური ადევნოს ამ დადგენილების შესრულებას და ამიერიდან



არ მისცეს ორგანიზაციებს ინერტული მასალების მოპოვების ნებართვა პლავეზის დაცვა-შენახვის საზიანოდ.

7. დაევალოს საქართველოს სსრ საშენ მასალათა მრეწველობის სამინისტროს საქართველოს სსრ მშენებლობის სამინისტროსთან ერთად უზრუნველყოს დარკვეთის კვარცის ქვიშის კარიერის მშენებლობის მეორე რიგის დამთავრება 1972 წლის პირველ ნახევარში.

საქართველოს სსრ მინისტრთა საბჭოს  
თავმჯდომარე **ბ. ჯაპახიშვილი**.

საქართველოს სსრ მინისტრთა საბჭოს  
საქმეთა მმართველი **მ. მებრეღიშვილი**.

ქ. თბილისი, 1971 წ. 18 ნოემბერი, № 555

საქართველოს სსრ მინისტრთა საბჭოს  
 1971 წლის 18 ნოემბრის № 555  
 დადგენილების დანართი

## საქართველოს სსრ

### შავი ზღვის სანაპიროზე ინერტული მასალების მოპოვების მოწესრიგების ღონისძიებები

ვინაიდან რესპუბლიკის მშენებლობები სიძნელეებს განიცდიან ქვიშისა და ხრეშის მომარაგების მხრივ, შესაძლებლად ჩაითვალოს ინერტული მასალების მოპოვება 1972-1975 წლებში შავი ზღვის სანაპიროს შემდეგ უბნებზე და იმ მდინარეთა ნარწყულებიდან, რომლებიც ზღვას ერთვის.

#### აფხაზეთის ასს რესპუბლიკაში

— მდინარე ბზიბის მარჯვენა ნაპირის ნარწყულზედა ტერასიდან რკინიგზის ხიდის ქვემოთ იმ საზღვრების ფარგლებში, რომლებიც დაწესებულია დამუშავების პროექტით ამიერკავკასიის რკინიგზის სამმართველოს ლორდის ქარხნისათვის ვადით 1973 წლამდე, იმ პირობით, რომ 1972 წელს „საქთევზმრეწვეს“ გადაეცეს უკვე დამუშავებული ტერიტორია მეთევზეობის მეურნეობის მოსაწყობად;

— მიუსერის კონგლომერატების საბადოდან განსაზღვრული რაოდენობით ტრესტ „ბიჭვინთმშენის“ საჭიროებისათვის (ნაპირსამაგრი სამუშაოები) იმ პირობით, რომ სამუშაოები შესრულდეს საბადოს დამუშავების დამტკიცებული პროექტის შესაბამისად;

— ზღვის სანაპირო ზოლიდან მდინარე მოქვის შესართავსა და ოჩამჩირის ნავსადგურს შორის მდებარე უბანზე 20 ათას კუბურ მეტრამდე მოცულობით წელიწადში ტრესტ „ნოვოროსიისკმორსტროის“ № 9 მცურავი სამშენებლო რაზმის და ოჩამჩირის რაიონის საჭიროებისათვის;

— კონგლომერატების შთის მასივებიდან, რომლებიც მდებარეობენ ბზიბის რკინიგზის სადგურის პირდაპირ გზატკეცილთან და ქ. სოხუმის ჩრდილოეთ-დასავლეთ ნაწილში (ბენზინსვეტის რაიონი), ნაპირსამაგრი საჭიროებისათვის;

— მდინარე მაჭარას, კოდორის, ტამიშის, მოქვის, გალიზგის, ოქუშისა და ფშაპის ნარწყულზედა კალაპოტების ტერასებიდან და უძრავი მთელანებიდან, აგრეთვე მდინარე ბელიას მარცხენა ნაპირის ძველი ტერასიდან გზატკეცილების ზემოთ, რომლებიც არ იღებენ მონაწილეობას პლანქარმოქმნაში და არ წარმოადგენენ ქვირითის ყრის ადგილებს განსაზღვრული რაოდენობით — ადგილობრივი ორგანიზაციების, საქართველოს სსრ საავტომობილო გზების სამინისტროსა და ნაპირსამაგრი სამუშაოთა საჭიროებისათვის;

— წყურგლის მექანიზებული კარიერიდან წელიწადში 400 ათასი კუბური მეტრის მოცულობით — საქართველოს სსრ მშენებლობის სამინისტროს საჭიროებისათვის.



### აქარის ახს რესპუბლიკაში

— მდინარე ჭოროხის ნარწყულიდან — საქართველოს სსრ საშენ მასალათა მრეწველობის სამინისტროს ინერტული მასალების მექანიზებული ქარხნისათვის წელიწადში 400 ათასი კუბური მეტრის მოცულობით;

— მდინარე აქარისწყლის ნარწყულიდან წელიწადში 100 ათასი კუბური მეტრის მოცულობით იმ უბნებზე, რომლებიც არ წარმოადგენენ ქვირითის ყრას ადგილებს;

— მდინარე ჭოროხის შესართავიდან (წყალქვეშა ფერდობი) წელიწადში 200 ათასი კუბური მეტრის მოცულობით — ბათუმის საზღვაო ნავსადგურისათვის.

### სხვა რაიონებში

— ზღვისთან მდინარე რიონის შესართავის რაიონში — განუსაზღვრელი რაოდენობით;

— მდინარე ენგურის ნარწყულში სოფელ კოკის მახლობლად (ზუგდიდის რაიონი) გეოლოგიური მარაგის გამონაგარიშების კონტურებში წლიურად 300 ათას კუბურ მეტრამდე მოცულობით;

— მდინარე ენგურის ნარწყულში რკინიგზის ხიდის ზემოთ — ენგურპესის მშენებლობისა და ადგილობრივი ორგანიზაციებისათვის წელიწადში 300 ათას კუბურ მეტრამდე მოცულობით;

— მდინარე ენგურის შესართავიდან 75 ათასი კუბური მეტრის რაოდენობით თბილისის მშრომელთა დეპუტატების საქალაქო საბჭოს აღმასკომის წყალსადენისათვის.

საქართველოს სსრ მინისტრთა საბჭოს

საქმეთა მმართველი **მ. მებრელიშვილი**.

117/9



**92** იმ დოკუმენტების ნუსხის დამატების შესახებ, რომლებითაც გადახდებიან წარმოებს სანოტარო ორგანოების აღსრულებითი წარწერების საფუძველზე

საქართველოს სსრ მინისტრთა საბჭო ა დ გ ე ნ ს:

საქართველოს სსრ მინისტრთა საბჭოს 1954 წლის 23 აგვისტოს № 766 დადგენილებით დამტკიცებულ იმ დოკუმენტების ნუსხას, რომლებითაც გადახდებიან წარმოებს სანოტარო ორგანოების აღსრულებითი წარწერების საფუძველზე, დაემატოს პუნქტი 40<sup>1</sup> შემდეგი შინაარსისა:

„40<sup>1</sup>. სსრ კავშირის თავდაცვის სამინისტროს ჯარის ნაწილების, დაწესებულებებისა და სასწავლებლების დოკუმენტებით იმ პრაპორშჩიკებისა და მიჩმანებისაგან პირუდელ მოსაწყობად მიცემული ერთდროული დახმარებისა და ტანსაცმლის ღირებულების გადახდებიან შესახებ, რომლებიც დათხოვილი არიან ნამდვილი სამხედრო სამსახურიდან იმ ვადაზე ადრე, რომლითაც ისინი ჩარიცხული იყვნენ ნამდვილ სამხედრო სამსახურში, დანაშაულის ჩადენისათვის მსჯავრდადებასთან დაკავშირებით (მათ შორის პირობით მსჯავრდადებასთან დაკავშირებით) და ისეთი საქციელისათვის, რომელიც სახელს უტეხს სამხედრო მოსამსახურის წოდებას.“

საქართველოს სსრ მინისტრთა საბჭოს

თავმჯდომარე **ბ. ჯავახიშვილი.**

საქართველოს სსრ მინისტრთა საბჭოს

საქმეთა მმართველი **მ. მებრელიშვილი.**

ქ. თბილისი, 1971 წ. 30 ნოემბერი, № 575



## 93 სოფლის ჯგუფური წყალსადენებით სარგებლობისათვის ტარიფების დამტკიცებისა და წყლის საზღვარის გადახდის წესის შესახებ

საქართველოს სსრ მინისტრთა საბჭო ადგენს:

1. დამტკიცდეს ტარიფები საქართველოს სსრ მელიორაციისა და წყალთა მეურნეობის სამინისტროს სოფლის ჯგუფური წყალსადენებიდან მიწოდებულ წყალზე, დანართის თანახმად.

2. იმის გამო, რომ საქართველოს სსრ მინისტრთა საბჭოს 1969 წლის 9 დეკემბრის № 676 დადგენილებით სოფლის ჯგუფური წყალსადენების შიდა ქსელი რჩებათ საექსპლოატაციოდ კოლმეურნეობებსა და საბჭოთა მეურნეობებს და ამავე დროს წყალსაზომების საშუალებით წყლის აღრიცხვა არ არის მოწესრიგებული, როგორც გამოჩაყლისი, ნება დართულ იქნას, რომ 1971—1973 წლებში:

ა) კოლმეურნეობებმა, საბჭოთა მეურნეობებმა, დაწესებულებებმა, ორგანიზაციებმა და საწარმოებმა მათი საჭიროებისათვის დახარჯული წყლის საფასური ხელშეკრულების საფუძველზე გადაუხადონ სოფლის ჯგუფური წყალსადენების ექსპლოატაციის სამსახურის ორგანიზაციებს;

ბ) კოლმეურნეობებმა და საბჭოთა მეურნეობების მუშა-მოსამსახურეებმა მათ მიერ დახარჯული წყლის საფასური დადგენილი ტარიფებით გადაუხადონ შესაბამის კოლმეურნეობებსა და საბჭოთა მეურნეობებს, რომლებმაც ურთიერთანგარიშსწორება მოახდინონ წყალსადენების ექსპლოატაციის ტერიტორიულ სამმართველოებთან;

გ) კოლმეურნეობებისა და საბჭოთა მეურნეობების ტერიტორიაზე მცხოვრებ მოსახლეობისაგან, რომელიც არ მუშაობს ამ მეურნეობებში, მიწოდებული წყლის საფასურის მიღება დადგენილი ტარიფის მიხედვით უზრუნველყონ სოფლის წყალსადენების ექსპლოატაციის სამსახურის ორგანიზაციებმა მშრომელთა დეპუტატების საბჭოების აღმასკომების დახმარებით.

3. დაევალოს სოფლის მეურნეობის, საბჭოთა მეურნეობების და მელიორაციისა და წყალთა მეურნეობის სამინისტროებს დაუგზავნონ თავიანთ ადგილობრივ ორგანოებს სათანადო მითითება დახარჯული წყლის საფასურის გადახდის შესახებ.

4. დაევალოს საქართველოს სსრ მინისტრთა საბჭოს ფასების სახელმწიფო კომიტეტს 1972 წლის ანგარიშების საფუძველზე შეამოწმოს სოფლის ჯგუფური წყალსადენების რენტაბელობა დამტკიცებული ტარიფების გამოყენების პირობებში და საჭიროების შემთხვევაში წარმოადგინოს წინადადებანი მათი გადასინჯვის შესახებ.

საქართველოს სსრ მინისტრთა საბჭოს  
თავმჯდომარე **ბ. ჯაპახიშვილი**.

საქართველოს სსრ მინისტრთა საბჭოს  
საქმეთა მმართველი **მ. მებრელიშვილი**.

საქართველოს სსრ მინისტრთა საბჭოს  
1971 წლის 2 დეკემბრის № 579  
დადგენილების დანართი

### ტ ა რ ი ფ ე ზ ი

სოფლის ჯგუფური წყალსადენების სასმელ წყალზე

წყალსადენების ტერიტორიული (ჯგუფური) სამმართველოების დასახელება	წყალსადენების დასახელება	ტარიფები 10 კმ მინ. კაბ.	
		მოსახლეობისათვის	დანარჩენი მომხმარებლებისათვის
1. ქობულეთის	ონხამურის	0 - 80	1 - 49
	ურეკის	0 - 80	1 - 40
2. ახალქალაქის	ჩუნჩხოს	0 - 20	1 - 20
	იხტილა-კოტელიას	0 - 20	1 - 20
	ბურნაშეთის	0 - 20	1 - 20
	იხტილა-ხანდოს	0 - 20	1 - 20
3. გარდაბნის	ქსოერის-ვარდისუბნის	0 - 20	1 - 70
	გომარეთ-მამულოს	0 - 20	2 - 20
4. წნორის	ახალსოფლის	0 - 20	1 - 70
	შრომის	0 - 20	0 - 96
	ცოდნისკარის	0 - 20	0 - 96
	ნინიგორის	0 - 20	0 - 96
5. გორის	ახალქალაქის	0 - 20	1 - 50

საქართველოს სსრ მინისტრთა საბჭოს  
საქმეთა მმართველი მ. მებრეღვიშვილი.

# 94 საქართველოს სსრ სახელმწიფო აღმის დებულების გამოყენების ინსტრუქციის დამტკიცების შესახებ

საქართველოს სსრ მინისტრთა საბჭო ა დ გ ე ნ ს:

დამტკიცდეს თანდართული ინსტრუქცია საქართველოს სსრ უმაღლესი საბჭოს პრეზიდიუმის 1956 წლის 6 თებერვლის ბრძანებულებით დამტკიცებული საქართველოს სსრ სახელმწიფო აღმის დებულების გამოყენების შესახებ

საქართველოს სსრ მინისტრთა საბჭოს  
თავმჯდომარის მოადგილე შ. კიკნაძე.

საქართველოს სსრ მინისტრთა საბჭოს  
საქმეთა მმართველი მ. მებრეღიშვილი.

ქ. თბილისი, 1971 წ. 6 დეკემბერი, № 585



დაპატრიციაშენი

 საქართველოს სსრ მინისტრთა საბჭოს  
1971 წლის 6 დეკემბრის № 585  
დადგენილებით

## ი ნ ს ტ რ უ ქ ც ი ა

**საქართველოს სსრ სახელმწიფო აღმის დებულების გამოყენების შესახებ**

1. საქართველოს საბჭოთა სოციალისტური რესპუბლიკის სახელმწიფო აღამი, რომელიც, საქართველოს სსრ სახელმწიფო აღმის დებულების თანახმად, გამოიკიდება შენობებზე, საზღვაო და სამდინარო ვემებსა და სხვა გადასაყვან საშუალებებზე (დებულების მე-3 მუხლის შესაბამისად), ზუსტად უნდა შეესაბამებოდეს საქართველოს სსრ სახელმწიფო აღმის აღწერილობას საქართველოს სსრ სახელმწიფო აღმის დებულების მე-2 მუხლში.

2. საქართველოს სსრ სახელმწიფო აღამი გამოიკიდება საცხოვრებელ სახლებზე 25 თებერვალს, 8 მარტს, 22 აპრილს, 1, 2 და 9 მაისს, 7 და 8 ნოემბერს და 5 დეკემბერს, აგრეთვე სხვა უქმე და საზეიმო დღეებში, როდესაც საქართველოს სსრ სახელმწიფო აღამი, საქართველოს სსრ სახელმწიფო აღმის დებულების მე-4 მუხლის შესაბამისად, გამოიკიდება რესპუბლიკური და ადგილობრივი დაქვემდებარების ყველა სახელმწიფო და საზოგადოებრივი დაწესებულების, ორგანიზაციისა და საწარმოს შენობებზე.

3. საქართველოს სსრ სახელმწიფო აღამი, საქართველოს სსრ სახელმწიფო აღმის დებულების მე-4 მუხლში ჩამოთვლილ შენობებზე, 25 თებერვლის, 3 მარტის, 22 აპრილის, 1, 2 და 9 მაისის, 7 და 8 ნოემბრის და 5 დეკემბრის გარდა, გამოიკიდება უქმე და საზეიმო დღეებში საქართველოს სსრ მინისტრთა საბჭოს, ავტონომიური რესპუბლიკების მინისტრთა საბჭოების, მშრომელთა დეპუტატების საოლქო, საქალაქო და რაიონული საბჭოების აღმასკომების მითითებებით ან მათი ნებართვით.

4. საწარმოების, საზოგადოებრივი ორგანიზაციებისა და დაწესებულებების შენობებზე საქართველოს სსრ სახელმწიფო აღმის გამოიკიდებისათვის, საქართველოს სსრ სახელმწიფო აღმის დებულებაში აღნიშნული მოთხოვნებისა და ამ ინსტრუქციის დაცვისათვის პასუხისმგებლობა ეკისრებათ ამ საწარმოთა, ორგანიზაციათა და დაწესებულებათა ხელმძღვანელებს, ხოლო საცხოვრებელ სახლებზე გამოიკიდებისათვის — სახლთა მმართველებს და სახლთა მფლობელებს (პირადი საკუთრების სახლებისა).

5. საქართველოს სსრ სახელმწიფო აღმის გამოიკიდება ცერემონიებისა და სხვა საზეიმო ღონისძიებების დროს, რომლებსაც სახელმწიფო დაწესებულებები ან საზოგადოებრივი ორგანიზაციები ახორციელებენ, ხდება ზემდგომი დაწესებულების ან ორგანიზაციის ხელმძღვანელის ნებართვით.

6. იმის მეთვალყურეობა, რომ ზუსტად შესრულდეს დებულება საქართველოს სსრ სახელმწიფო აღმის შესახებ და ეს ინსტრუქცია საქართველოს სსრ ფარგლებში, ეკისრებათ სახელმწიფო ხელისუფლების ადგილობრივ ორგანოებს.



## 95 ადგილობრივი გაუმჯობესებელი მსხვილფეხა რძოსანი პირუ- ტყვისა და ცხვრის ფასების უზენაესი

საქართველოს სსრ მინისტრთა საბჭო ა დ გ ე ნ ს:

1. დაწესდეს 1971 წლის 1 ოქტომბრიდან ადგილობრივი გაუმჯობესებელი მსხვილფეხა რძიანი პირუტყვისა და ცხვრის ფასები დანართის თანახმად.

2. წითელი მეგრული და ხევსურული ჯიშების სანაშენო პირუტყვის ფასები გათანაბრდეს კავკასიური წაბლა ჯიშის ძროხის ფასთან, რაც დაწესებულია სსრ კავშირის მინისტრთა საბჭოს ზემოხსენებული დადგენილებით.

3. ძალადაკარგულად ჩაითვალოს საქართველოს სსრ მინისტრთა საბჭოს 1969 წლის 2 აპრილის № 181 დადგენილება.

საქართველოს სსრ მინისტრთა საბჭოს  
თავმჯდომარე **ბ. ჯაჰანგიური**.

საქართველოს სსრ მინისტრთა საბჭოს  
საქმეთა მმართველი **მ. მეგრელი**.

ქ. თბილისი, 1971 წლის 6 დეკემბერი, № 586.

საქართველოს სსრ მინისტრთა საბჭოს  
1971 წლის 6 დეკემბრის № 586  
დადგენილების დანართი

ადგილობრივი გაუმჯობესებული მსხვილფეხა რქიანი პირუტყვისა და  
ცხვრის ფასები

ცოცხალი წონის 1 კგრ.  
(მან. და კაპ.)

1. ფური და ფურ-კამეჩი, რომლის საშუალო სადღედამისო წველაღობაა 10 კგ და მეტი	2—00
უშობელი	1—80
2. ნერბი და თხა:	
I ზონის რაიონებში	1—70
II   "           "	1—50
III  "          "	1—10

შენიშვნა: დეკემლისა და ფურ-ზაქის ფასები ისაზღვრება მხარეთა ურთიერად  
შეთანხმებით.

საქართველოს სსრ მინისტრთა საბჭოს  
საქმეთა მმართველი მ. მებრეღიშვილი.

## 96 ქ. ზუგდიდის ზოგირითი ქუჩისა და მოედნისათვის სახელწოდების მიკუთვნების შესახებ

საქართველოს სსრ მინისტრთა საბჭო ა დ გ ე ნ ს:

დაკმაყოფილდეს ზუგდიდის მშრომელთა დეპუტატების საქალაქო საბჭოს აღმასკომის შუამდგომლობა და ქ. ზუგდიდის ზოგიერთ ქუჩასა და მოედანს მიუკუთვნოთ შემდეგი სახელები:

- ცელულოზის ქუჩას ეწოდოს ვოროშილოვის ქუჩა;
- სტალიონის ქუჩას — პავლოვის ქუჩა;
- ენგურქალაღკომბინატის ახალ დისახლებაზე მდებარე ქუჩას — საბჭოთა კავშირის გამრის გრიგოლ სხულუხიას ქუჩა;
- სტახანოვის ქუჩის მე-5 შესახვევს — კოტე მარჯანიშვილის ქუჩა;
- ტრანსპორტის ქუჩას — ფიროსმანის ქუჩა;
- ჩხოლუშის ქუჩას — ტარას შევჩენკოს ქუჩა;
- ახალსოფლის ქუჩას — აკადემიკოს ანთელავას ქუჩა;
- კუბიშვევისა და გაბაშვილის ქუჩების შესახვევების გადამკვეთ ქუჩას — ანტონ ფურცელაძის ქუჩა;
- სამგზავრო ავტოსადგურის წინ მდებარე მოედანს — იური გაგარინას მოედანი.

საქართველოს სსრ მინისტრთა საბჭოს  
თავმჯდომარის მოადგილე **შ. კიკნაძე.**

საქართველოს სსრ მინისტრთა საბჭოს  
საქმეთა მმართველი **მ. მამრალიშვილი.**

ქ. თბილისი, 1971 წლის 30 დეკემბერი, № 619.

## 97 ქ. თბილისის მე-6 მუსიკალური სკოლისათვის ე. ს. მიქელაძის სახელის მიკუთვნების შესახებ

საქართველოს სსრ მინისტრთა საბჭო ა დ გ ე ნ ს:

დაკმაყოფილდეს საქართველოს სსრ კულტურის სამინისტროს შუამდგომლობა და დაარსებიდან 50 წლისთავის შესრულებასთან დაკავშირებით მიუკუთვნოს ქ. თბილისის მე-9 მუსიკალურ სკოლას ცნობილი ქართველი დირიჟორის ევგენი სიმონის ძე მიქელაძის სახელი.

საქართველოს სსრ მინისტრთა საბჭოს  
თავმჯდომარის მოადგილე **შ. კიკნაძე.**

საქართველოს სსრ მინისტრთა საბჭოს  
საქმეთა მმართველი **მ. მამრალიშვილი.**

ქ. თბილისი, 1971 წ. 30 დეკემბერი, № 620

**98** იმ სამონღის ნუსხის შესახებ, რომლის ფასივს ამტკიცებენ აზ-  
ნაზეთის ასსრ და აზარის ასსრ მინისტრთა საბჭოები, სამხრეთ  
ოსეთის ავტონომიური ოლქის, ქალაქ თბილისის, ქუთაისის და რუს-  
თავის მხრობელთა დეპუტატების საბჭოების აღმასკომები

საქართველოს სსრ მინისტრთა საბჭო ა დ გ ე ს:

1. დაწესდეს, რომ აფხაზეთის ასსრ და აზარის ასსრ მინისტრთა საბჭოები  
და სამხრეთ ოსეთის ავტონომიური ოლქის მხრობელთა დეპუტატების საბჭოს  
აღმასკომი:

— დაამტკიცებენ იმ საქონლის საცალო და საბითუმო ფასებს, რომელ-  
საც გამოიმუშავებენ ავტონომიური რესპუბლიკების და ავტონომიური ოლქის  
ადგილობრივი და კოოპერაციული მრეწველობის და საზოგადოებრივი ორგა-  
ნიზაციების საწარმოები, რომელზედაც არ არის შემოღებული ერთიანი სახელ-  
მწიფო საბითუმო და საცალო ფასები, ან არ ვრცელდება სახელმწიფო მრეწ-  
ველობის საწარმოებისათვის დაწესებული ფასები, საქართველოს სსრ მინის-  
ტრთა საბჭოს ფასების სახელმწიფო კომიტეტთან შეთანხმებით;

— დაამტკიცებენ იმ პროდუქციის საბითუმო და საცალო ფასებს, რომე-  
ლსაც გამოიმუშავებენ ავტონომიური რესპუბლიკის და ოლქის ტერიტორიაზე  
განლაგებული სამრეწველო საწარმოები (მათი დაქვემდებარების მიუხედავად),  
საკუთარი დამზადების ნედლეულისაგან, უტილისა და ნარჩენებისაგან (ავეჯი-  
სა და საშენი მასალების გარდა), საქართველოს სსრ მინისტრთა საბჭოს ფასე-  
ბის სახელმწიფო კომიტეტთან შეთანხმებით;

— გამოიტანენ გადაწყვეტილებებს იმის შესახებ, რომ საკავშირო და რეს-  
პუბლიკური დაქვემდებარების მრეწველობისათვის დამტკიცებული საბითუმო  
და საცალო ფასების პრეიკურანტები გაგრცელდეს ადგილობრივი დაქვემდე-  
ბარების საწარმოების მიერ დამზადებულ ანალოგიურ ნაკეთობებზე;

— დაამტკიცებენ კარტოფილისა და ბოსტნეულის საცალო ფასებს არა  
უმეტეს იმ ზღვრული საცალო ფასებისა, რაც დაწესებულია საქართველოს სს  
რესპუბლიკისათვის საქართველოს სსრ მინისტრთა საბჭოს მიერ;

— დაამტკიცებენ საყოფაცხოვრებო და სხვა მომსახურების ფასებსა და  
ტარიფებს, რასაც მოსახლეობას უწევენ ავტონომიური რესპუბლიკების და  
ავტონომიური ოლქის კომუნალური საწარმოები და საყოფაცხოვრებო მომ-  
სახურების საწარმოები და რაზედაც არ არის შემოღებული ერთიანი ფასები და  
ტარიფები, საქართველოს სსრ მინისტრთა საბჭოს ფასების სახელმწიფო კომი-  
ტეტთან შეთანხმებით;

2. თბილისის, ქუთაისის და რუსთავის მხრობელთა დეპუტატების საქალა-  
ქო საბჭოების აღმასკომები ფასების კომიტეტის წარდგენით:

— დაამტკიცებენ იმ საქონლის საბითუმო და საცალო ფასებს, რომელსაც  
გამოიმუშავებენ ადგილობრივი საქალაქო დაქვემდებარების საწარმოები და  
რომელზედაც არ არის შემოღებული ერთიანი სახელმწიფო საბითუმო და სა-  
ცალო ფასები, ან არ ვრცელდება საკავშირო და საკავშირო-რესპუბლიკური

მრეწველობის საწარმოებისათვის დაწესებული ფასები, საქართველოს სსრ მინისტრთა საბჭოს ფასების სახელმწიფო კომიტეტთან შეთანხმებით;

— გამოიტანენ გადაწყვეტილებებს იმის შესახებ, რომ გავრცელდეს საკავშირო და რესპუბლიკური დაქვემდებარების მრეწველობისათვის დამტკიცებული საბითუმო და საცალო ფასების პრეისკურანტები ადგილობრივი დაქვემდებარების საწარმოების მიერ დამზადებულ ანალოგიურ ნაქეთობებზე.

3. დაევალოთ აფხაზეთის ასსრ და აჭარის ასსრ მინისტრთა საბჭოებს, სამხრეთ ოსეთის ავტონომიური ოლქის, ქალაქ თბილისის, ქუთაისისა და რუსთავის მშრომელთა დეპუტატების საბჭოების აღმასკომებს საცალო ფასების დაწესებისას მტკიცედ დაიცვან სახალხო მოხმარების საქონლის სახელმწიფო საცალო ფასების სტაბილობა, არ დაუშვან სიჭრელე ისეთი ერთგვაროვანი და ანალოგიური საქონლის ფასებში, რომელსაც საქართველოს სსრ საწარმოები უშვებენ.

საქართველოს სსრ მინისტრთა საბჭოს  
თავმჯდომარის მოადგილე **შ. კიკნაძე**.

საქართველოს სსრ მინისტრთა საბჭოს  
საქმეთა მმართველი **მ. მებრელიძე**.

ქ. თბილისი, 1971 წ. 30 დეკემბერი, № 625

СОБРАНИЕ ПОСТАНОВЛЕНИЙ ПРАВИТЕЛЬСТВА  
ГРУЗИНСКОЙ ССР

№ 6 1971 года

გ ა მ მ მ ც ე მ ე ლ ი : საქართველოს სსრ იუსტიციის მინისტრო

ხელმოწერილია დასაბეჭდად 11/IV-1972 წ. ქალაქის ფორმატი 70 X 108<sup>1/16</sup>,  
საბეჭდი თაბახი 1,75 სააღრიცხვო თაბახი 1,33

წლიური ხელმოწერის ფასი 3 მან.